



二如亭群芳譜利部目錄

第五冊

藥譜三

共二十種

附錄三種

黃連

黃蘗

黃芩

金銀藤

紫草



三七

紫苑

決明

半夏

牽牛

景天

附慎火樹

穀精

蓖麻

王瓜

麻黃

香薷

紫蘇

薄荷

澤蘭

大風子

群芳譜藥譜三目錄

二如亭群芳譜藥部卷之五

濟南 王象晉纂輯

松江 陳繼儒仲醇甫

虞山 毛鳳苞子晉甫 仝較

寧波 姚元台子雲甫

濟南

男王與敷
孫士禎曾孫啟楠

詮次

藥譜三

黃連

一名王連 一名支連 江湖荆蘖皆有而以

宣城者爲勝施黔次之東陽歙州處州者又
次之苗高尺許叢生一莖三葉葉似甘菊凌
冬不凋四月開花黃色六月結實似芹子色
亦黃江左者根黃節高若連珠葉如小雉尾
正月開花作細穗淡黃白色六七月根繁始
堪采蜀道者粗大味極濃苦療渴爲最江東
者節如連珠療痢太善大抵連有二種一種
根粗無毛如鷹雞瓜形色深黃而堅實一種

無珠多毛黃色稍淡而中虛味苦寒無毒止
消渴厚腸胃利骨益膽降火療口瘡其用有
六瀉心臟火一也去中焦濕熱二也諸瘡必
用三也除風濕四也治赤眼暴發五也止中
部見血六也

○製用

布拭去毛漿水浸半日時漉出柳木火
焙乾用黃連入手少陰心經爲治火主

藥治本臟火生用治肝膽實火猪膽浸炒肝
膽虎火醋浸炒上焦火酒炒中焦火姜汁炒
下焦火鹽水或朴硝炒氣分濕熱之火茱萸
湯浸炒血分塊中伏火乾漆水炒食積之火

黃土炒不獨爲之引導蓋辛熱能制其苦寒鹹寒能制其燥性用者酌之

○附錄胡黃連

生波斯國海畔陸地今南海秦隴間亦有之初生似蘆苗若夏

枯草根頭似烏嘴乾則似楊柳枯枝心黑外黃折之內似鸚鵡眼塵出如烟者良八月上旬採苦平無毒治骨蒸勞熱三消五心煩熱婦人胎蒸虎驚冷熱洩痢厚腸胃益顏色

○療治

肝火爲痛黃連姜汁炒爲末粥糊丸梧子大每服二十九白湯下一方黃連六

兩吳茱萸一兩同炒爲末神麴糊丸梧子大每服三四十九白湯下伏暑發熱作渴嘔惡及赤白痢消渴腸風酒毒洩瀉諸病並宜酒煮黃龍丸主之川黃連一斤切以好酒二升半煮乾焙研糊丸梧子大每服五十丸熱水下日三服陽毒發狂奔走不定宜黃連

寒水石等分爲末每服三錢濃煎甘草湯下
骨節積熱漸漸黃瘦黃連四分切以童子
小便五大合浸經宿微煎三四沸去滓分作
二服 小兒疳熱流注遍身瘡蝕或潮熱肚
脹作渴猪肚黃連丸用猪肚一個洗淨宣黃
連五兩切碎水和納入肚中縫定放在五升
粳米上蒸爛石臼搗干杵或入少飯同杵丸
菉豆大每服二十九米飲下仍服調血清心
之藥佐之蓋小兒之病不出于疳則出于熱
常須識此 三消骨蒸黃連末以冬瓜自然
汁浸一夜曬乾又浸如此七次爲末以冬瓜
汁和丸梧子大每服三四丸大麥湯下尋常
渴只一服見効 消渴尿多黃連末蜜丸梧
子大每服三十丸白湯下 消渴小便滑數
如油黃連五兩枯樓根五兩爲末生地黃汁
丸梧子大牛乳下五十丸日服忌冷水猪肉

一方黃連末入猪肚肉蒸爛搗丸梧子大飯飲下 濕熱水病黃連末蜜丸梧子大每服二丸至四五丸飲下日二四服 破傷風黃連五錢酒二盞煎七分入黃蠟三錢溶化熱服之 小便白淫因心腎氣不足思想無窮所致黃連白茯苓等分爲末酒糊丸梧子大每服三十丸煎補骨脂湯下日三服 赤痢久下累治不瘥黃連一兩鷄子白和爲餅炙紫爲末以漿水三升慢火煎成膏每服半合溫米飲下 一方只以雞子白和丸服熱毒赤痢黃連二兩切瓦焙令焦當歸一兩焙爲末入麝少許每服二錢陳米飲下佛智和尚在閩以此濟人 赤白久痢並無寒熱只日久不止用黃連四尺九寸鹽梅七個入新瓶內燒烟盡熱研每服二錢鹽米湯下赤白暴痢如鵝鴨肝者痛不可忍用黃連黃

苓各一兩水二升煎一升分三次熱服冷
熱諸痢不問赤白穀滯休息久下悉主之黃
連長三寸三十枚重一兩半龍骨如碁子大
四枚重一兩大附子一枚乾姜一兩半膠一
兩半細切以水五合著銅器中去火三寸煎
沸便取下坐土上沸止又上水五合如此九
上九下納諸藥入水內再煎沸輒取下沸止
又上九上九下度可得一升頓服卽止下
痢赤白日夜數十行臍腹絞痛黃連一升酒
五升煮取一升半分再服當止治赤白諸
痢裏急後重腹痛宣黃連青木香等分搗末
白蜜九桐子大每服二三丸空腹飲下日
再服効如神久冷者以煨蒜搗和丸之不拘
大人嬰孺皆効一方黃連菜萸炒過四兩
木香麴煨一兩粟米飯丸小兒冷熱痢加
煨熟訶子肉小兒瀉痢加煨熟肉豆蔻

小兒氣虛瀉痢腹痛加白附子尖 久痢加
龍骨 禁口痢加石蓮肉 痢渴加烏梅肉
以阿膠化和爲丸 五疳八痢用連珠黃連
一斤分四分一分酒浸一分自然姜汁炒一
分吳茱萸湯浸一分益智仁同炒去智仁研
末白芍酒煮切焙四兩廣木香二兩使君子
仁焙四兩共爲末蒸餅和丸綠豆大每服三
十九米飲食前下日三服忌豬肉冷水 傷
寒下痢不能食者黃連一斤烏梅二十枚去
核炙燥爲末蠟一碁子大蜜一升合煎和丸
梧子大一服二十九日三服 又方黃連二
兩熟艾如鴨子大一團水三升煮取一升頓
服立止 氣痢後重裏急或下泄宜連一兩
乾姜半兩各爲末收每用連一錢姜半錢和
勻空心溫酒下或米湯下神効 濟生方秘
傳香連丸用黃連四兩木香二兩生姜四兩

以姜鋪沙鍋底次鋪連上鋪香新汲水三盞
煑焙研醋調倉米糊爲丸如常日服五次

小兒下痢赤白多時體弱不堪宣連用水濃
煎和蜜日服五六次 諸痢脾泄臟毒下血

雅州黃連半斤去毛切裝肥猪大腸內紮定

入沙鍋中以水酒煑爛取連焙研末搗腸和

丸梧子大每服白丸米湯下極効 赤白下

痢日夜無度及腸風下血用川黃連去毛吳

茱萸湯泡過各二兩同炒香揀出各爲末以

粟米飯和丸梧子大各收每服三十丸赤痢

甘草湯下黃連丸白痢姜湯下茱萸丸赤白

痢各用十五丸米湯下救人甚効 脾胃受

濕下痢腹痛米穀不化用黃連吳茱萸二味加

白芍同炒研蒸餅和丸服 腸胃積熱或因

酒毒下血腹痛作渴脉弦數黃連四兩分作

四分一分生用一分切炒一分炮切一分水

浸晒研末條黃芩一兩防風一兩爲末麵糊
九梧子大每服五十丸米泔浸枳殼水食前
送下冬月加酒蒸大黃一兩 臟毒下血黃
連爲末獨頭蒜煨研和丸梧子大每空心陳
米飲下四十九 酒痔下血黃連酒浸煮熟
爲末酒糊丸梧子大每服三四十丸白湯下
一方用自然姜汁浸焙炒 雞冠痔黃連末
傅之加赤小豆末尤良 痔漏秘結用此寬
腸黃連枳殼等分爲末糊丸梧子大每服五
十丸空心未飲下 痢痔脫肛冷水調黃連
末塗之良 脾積食泄川黃連二兩爲末大
蒜搗和丸梧子大每服五十丸白湯下 水
泄脾泄宜連一兩 生薑四兩文火炒至姜脆
各自揀出爲末水 用姜末脾瀉用連末每
服二錢空心白湯一 甚者不過二服亦治痢
疾 眼目諸病勝 宜黃連丸用宣連不限多

少搥碎以新汲水一大盆浸六十日細濾取
汁入原盆內重湯上熬不住攪之候乾卽穿
地坑深一尺以瓦鋪底將熟艾四兩坐瓦上
燃火以藥盆覆上四畔土封開孔出烟盡取
出刮下丸小豆大每甜竹葉湯下十丸男
女肝經不足風熱上攻頭目昏暗羞明及瘡
翳青盲黃連末一兩羊子肝一具去膜搗爛
和丸梧子大每食後暖漿水吞十四丸連作
五劑瘥昔崔承元活一死囚囚後病死一旦
崔病內障逾年半夜獨坐聞堦除窻窳之聲
問之荅曰是昔蒙活之囚今故報恩遂告以
此方而沒崔服之不數月眼復明因傳於世
暴赤眼痛宣黃連剉以雞子清浸置地下
一夜次早濾過雞羽蘸滴目內又方苦竹
兩頭留節一頭開小孔入黃連片在內油紙
封浸井中一夜次早服竹節內水加片腦少

許外洗之

一方黃連冬青葉煎湯洗

一

方黃連乾姜杏仁等分爲末綿包浸湯閉目

乘熱淋洗

小兒赤眼水調黃連末貼足心

甚妙

爛弦風眼黃連十文槐花輕粉少許

爲末男兒乳汁和之飯上蒸過帛裹熨眼上

三四次卽効屢試有驗

目卒痒痛乳汁浸

黃連頻點背上抱朴子云治目中百病

出不止黃連浸濃汁漬拭之

牙痛惡熱黃

連末摻之立止

口舌生瘡黃連煎酒時含

呷之 赴筵散用黃連乾姜等分爲末摻之

小兒口疳黃連蘆薈等分爲末每蜜湯服

五分走馬疳入蟾灰等分青黛減半麝少許

小兒鼻蠱鼻下兩道赤色有疳以米泔洗

淨用黃連末傅之日三四次

小兒月蝕生

於耳後黃連末傅之

小兒食土取好黃土

煎黃連汁搜之晒乾與食

預解胎毒小兒